

Na osnovu članova 79. i 83. Zakona o visokom obrazovanju („Službene novine Kantona Sarajevo“ br. 33/17), člana 129. Statuta Univerziteta u Sarajevu, članova 21. do 28. Pravila studiranja za treći ciklus studija na Univerzitetu u Sarajevu, saglasnosti Senata na Reformisani Curriculum trećeg ciklusa – doktorski studij „Biomedicina i zdravstvo“ br. 01-322/18 od 28. 03. 2018. godine, Odluke Nastavno-naučnog vijeća Medicinskog fakulteta Univerziteta u Sarajevu br. 01-4-AK-7146/18 od 10. 10. 2018. godine, Odluke Senata Univerziteta u Sarajevu o davanju saglasnosti na raspisivanje javnog konkursa br. 01-1035-44/18, Prethodne saglasnosti Ministarstva za obrazovanje, nauku i mlade Kantona Sarajevo za raspisivanje konkursa br. 11/05-38-34098-5/18 od 07. 11. 2018. godine i Odluke Nastavno-naučnog vijeća Medicinskog fakulteta u Sarajevu br. 01-4-AK-348/19 od 15. 01. 2019. godine, Medicinski fakultet Univerziteta u Sarajevu objavljuje

PONOVLJENI KONKURS
za upis studenata na TREĆI CIKLUS STUDIJA-DOKTORSKI STUDIJ
pod nazivom BIOMEDICINA I ZDRAVSTVO
na Medicinskom fakultetu Univerziteta u Sarajevu u akademskoj 2018/2019. godini

I

Konkurs se raspisuje za upis studenata u treći ciklus studija-doktorski studij pod nazivom „Biomedicina i zdravstvo“.

Studij se organizuje u trajanju od tri studijske godine, a njegovim završetkom, nakon odbrane doktorske disertacije stiče se akademska titula i naučno zvanje „doktor medicinskih nauka“.

Cijena studija za jednu studijsku godinu je 7.000 KM (sedam hiljada KM).

Kandidatima za upis koji su stekli titulu magistra nauka prije uvođenja bolonjskog sistema trocikličnog studija iz oblasti koji su relevantne za oblast iz koje se organizira studij trećeg ciklusa, priznaje se 60 ECTS studijskih bodova i oslobađaju se plaćanja školarine (7.000,00 KM) za prvu studijsku godinu.

Kandidatima koji nisu završili univerzitetski integrirani studij medicine i u međuvremenu nisu stekli zvanje magistra medicinskih nauka Vijeće za doktorski studij će pri upisu na doktorski studij eventualno utvrditi potrebu polaganja pojedinih predmeta ili dijelova predmeta (razlikovne predmete).

II

Na konkurs se, pod jednakim uvjetima, mogu prijaviti kandidati:

1. iz Bosne i Hercegovine i inostranstva koji su završili integrirani univerzitetski studij biomedicinskih nauka i stekli 360 ECTS studijskih bodova ili koji su završili dodiplomski studij po prethodnom sistemu studiranja u trajanju od šest godina;
2. kandidati koji su stekli diplomu sa naučnim zvanjem magistra medicinskih nauka prije uvođenja Bolonjskog sistema studija medicine na Medicinskom fakultetu Univerziteta u Sarajevu ili na drugoj visokoškolskoj ustanovi u Bosni i Hercegovini ili inostranstvu;
3. kandidati, strani državljani, prijavljuju se na konkurs uz uslov da dostave rješenje o nostrifikaciji/akademsom priznavanju stečene diplome;
4. čiji je prosjek ocjena na univerzitetskom studiju, bez završnog ispita, najmanje 8, u sistemu ocjenjivanja od 5 do 10, odnosno 3,50 u sistemu ocjenjivanja od 1 do 5 (ne odnosi se na magistre medicinskih nauka).

III

Uz prijavu na konkurs, kandidati su dužni dostaviti:

1. biografiju;
2. diplomu o završenom prethodnom obrazovanju;
3. rješenje o nostrifikaciji/akademsom priznavanju diplome koja je stečena u inostranstvu ili diploma stečena u nekoj od država bivše Jugoslavije nakon 06. 04. 1992. godine;
4. uvjerenje o položenim ispitima iz prethodnog studija sa ocjenama iz pojedinih predmeta;
5. dokaz o poznavanju engleskog jezika na nivou koji omogućava komunikaciju putem govora i pisma, praćenje znanstvene i nastavne literature, pisanje znanstvenih radova i upotrebu računalnih programa;
6. kopije radova u kojima je kandidat prvi ili drugi autor u znanstvenoistraživačkom članku (CC, SCI, SSCI ili u drugim međunarodno priznatim bazama podataka); (obavezno se prilažu od strane kandidata koji ih posjeduju)
7. potvrda voditelja znanstvenog programa o sudjelovanju na znanstvenom projektu u zemlji i/ili inostranstvu u trajanju od najmanje 1 mjesec; (obavezno se prilažu od strane kandidata koji ih posjeduju).

Svi traženi dokumenti predaju se u originalu ili ovjerenj fotografiji. Konkursni materijali se ne vraćaju.

Obrazac prijave se može preuzeti na web stranici Fakulteta www.mf.unsa.ba.

IV

Sa svim prijavljenim kandidatima (koji podnesu blagovremene i potpune prijave) obaviti će se intervju (04. 02. 2019. godine u 14 sati u prostorijama Dekanata Fakulteta).

Kandidati koji ispunjavaju uvjete upisa bit će izabrani u prijemnom postupku na osnovu bodovanja:

- *uspjeha u toku studija;*
- *demonstriranja rezultata znanstvenoistraživačkih radova**
- *motiviranosti za dalji znanstvenoistraživački rad iskazane na intervjuu*

** Bodovanje rezultata znanstvenoistraživačkih radova izvršiti će se u skladu sa važećim Nastavnim Planom i programom III ciklusa studija „Biomedicina i zdravstvo“ iz 2018. godine Medicinskog fakulteta Univerziteta u Sarajevu*

Kandidat stiče pravo upisa prema bodovima postignutim u prijemnom postupku i nakon potpisivanja Ugovora o međusobnim pravima i obavezama studenta i Fakulteta.

V

Optimalni broj kandidata/studenata koji se upisuje na studij je 10.

Konkurs ostaje otvoren 15 dana od objavljivanja.

Prijave slati na adresu: Medicinski fakultet Univerziteta u Sarajevu, Ulica Čekaluša 90, 71 000 Sarajevo, Bosna i Hercegovina.

Prijave slati u zatvorenoj koverti, sa naznakom „Prijava za upis na treći ciklus studija – doktorski studij“.